



**Convenio de colaboración entre a Consellería de Cultura, Educación e Ordenación
Universitaria a a Fundación Repsol Para o establecemento dun marco de
actuación conxunta en favor do desenvolvemento do espírito emprendedor no
marco Eduemprende
MEMORIA XUSTIFICATIVA**

O Director Xeral de Educación, Formación Profesional e Innovación Educativa da
Consellería de Cultura, Educación e Ordenación Universitaria,

DECLARA:

Que a Consellería de Cultura, Educación e Ordenación Universitaria formalizou, o 9 de
xullo de 2018, coa Fundación Repsol o instrumento convencional arriba referido cun
período de vixencia de dous anos.

Que o instrumento convencional ten por obxecto:

establecer os principios polos que se rexerá a colaboración da Consellería de Cultura,
Educación e Ordenación Universitaria e a Fundación Repsol para fomentar o
emprendemento de base tecnolóxica entre alumnado e profesorado de ciclos superiores
de FP dos concellos de A Coruña, Arteixo e Culleredo. Esta actuación enmárcase dentro
do programa de formación “Emprendemento en FP” e dentro do Plan de
Emprendemento no sistema educativo de Galicia Eduemprende

Que o instrumento convencional que se pretende asinar se fundamentan no seguinte:

1. Que a Consellería de Cultura, Educación e Ordenación Universitaria é o órgano da
Administración da Comunidade Autónoma de Galicia ao que lle corresponden, entre
outras, as competencias e funcións en materia de planificación, regulación e
administración do ensino regrado en toda a súa extensión, niveis e graos,
modalidades e especialidades.





2. Que a Fundación Repsol constitúese como unha fundación privada sen ánimo de lucro que ten personalidade xurídica propia e goza de plena capacidade xurídica e de obrar, sen outras limitacións que as estatutarias e as legais en cada caso.
3. Que o obxecto da Fundación Repsol é o de ser “expresión da vocación de responsabilidade social corporativa do grupo Repsol e, en particular, do seu compromiso coa mellora sostida das sociedades nas que desenvolve as súas actividades industriais e empresariais”, podendo levar a cabo este propósito mediante a persecución de fins de interese xeral de carácter social, cultural, ambiental, así como científico, educativo e de fomento da investigación, os cales poderán ser desenvolvidos mediante plans ou programas de actuación consistentes en “accións directas da propia Fundación Repsol ou na súa participación ou apoio a programas e accións impulsadas por terceiros”.
4. No marco deses fins, a Fundación Repsol promove “Emprendemento en FP”, programa de formación que nace co obxectivo de fomentar a cultura emprendedora e mellorar a empleabilidade dos estudantes de Formación Profesional, complementando as iniciativas de emprendemento existentes.
5. Ante o déficit emprendedor en Galicia é necesario crear as condicións para que poidan prosperar as iniciativas e as actividades emprendedoras. Neste senso o Plan de emprendemento no sistema educativo de Galicia Eduemprende aprobado no 2010 ten como obxectivo estratéxico a implantación na comunidade educativa desta cultura emprendedora necesaria para mellorar a competitividade das nosas empresas e a empregabilidade do alumnado galego.
6. Que no Consello Europeo de Lisboa de marzo de 2000, que deu lugar ao programa “Educación e Formación 2010”, se recoñeceu a necesidade do fomento das iniciativas emprendedoras desde o ámbito educativo, así como a necesidade de crear políticas de educación e de formación que fomenten a cultura emprendedora e innovadora como motor da innovación, da competitividade, da creación de emprego e do crecemento económico, no que o fomento do espírito emprendedor se recoñece





como unha competencia clave para enfrontar os cambios sociais e económicos que se derivan da sociedade do coñecemento.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase dixitalmente esta memoria en Santiago de Compostela.

O Director Xeral de Educación, Formación Profesional e Innovación Educativa
Manuel Corredoira López

